



Broj: 27-04-8156-11.1/23
Sarajevo, 17.4.2023. godine

SKUPŠTINA KANTONA SARAJEVO -ovdje-

PREDMET: Odgovor na zastupničko pitanje zastupnika u Skupštini Kantona Sarajevo Damira Marjanovića, *dostavlja se*

Veza: Vaš akt, broj: 01-04-8156-11/23 od 29.03.2023. godine

Na Šestoj radnoj sjednici Skupštine Kantona Sarajevo održanoj dana 29.03.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, zastupnik u Skupštini Kantona Sarajevo Damir Marjanović je Ministarstvu za nauku, visoko obrazovanje i mlade Kantona Sarajevo postavio sljedeće:

ZASTUPNIČKO PITANJE:

„Šta planirate da poduzmete po pitanju realizacije odluka tematske sjednice o reformi obrazovanja, koje je Skupština Kantona Sarajevo donijela i kao takve su obavezujuće za izvršnu vlast i Vaš resor?“

ODGOVOR:

Na sjednici održanoj 22.10.2019. godine, Skupština Kantona Sarajevo je donijela četiri zaključka u vezi sa reformom obrazovanja na području Kantona Sarajevo, a pregled realizacije istih dostavljamo u nastavku:

1. Zaključak Skupštine Kantona Sarajevo, broj: **01-05-36793-1/19** od 22.10.2019. godine, koji se odnosi na omogućavanje roditeljima djece sa poteškoćama u razvoju da završe studije po započetom nastavnom planom i programu, je realiziran članom 175. stav (12) Zakona o visokom obrazovanju („Službene novine Kantona Sarajevo“, broj: 36/22).
Status: Zaključak realiziran.
2. Zaključak Skupštine Kantona Sarajevo, broj: **01-05-36793-2/19** od 22.10.2019. godine, koji se odnosi na planiranje sredstava za hitne intervencije po pitanju infrastrukture obrazovnih objekata, je realiziran na način da se Budžetu Ministarstva za nauku, visoko obrazovanje i mlade Kantona Sarajevo za 2023. godinu nalazi stavka za ovu namjenu.
Status: Zaključak realiziran.
3. Zaključak Skupštine Kantona Sarajevo, broj: **01-05-36793-3/19** od 22.10.2019. godine, koji se odnosi na reformu obrazovanja u Kantonu Sarajevo kao generacijski projekat i najveći

prioritet u budućem radu Skupštine Kantona Sarajevo, je djelimično realiziran na sljedeći način:

Tačka 2. i 3. Zaključka, kojom je predloženo formiranje ekspertnog tijela Vlade Kantona Sarajevo, koje bi rukovalo reformskim procesima, nije realizirana.

Tačka 4. Zaključka, kojom je predviđeno optimiziranje i usvajanje Strategije razvoja obrazovanja i nauke Kantona Sarajevo, nije realizirana.

Tačka 5. Zaključka, kojom je predviđeno usvajanje novih zakona u oblasti obrazovanja, je u skladu sa nadležnostima ovog ministarstva, realizirana usvajanjem Zakona o visokom obrazovanju („Službene novine Kantona Sarajevo“, broj: 36/22).

Tačka 6. Zaključka, koja se odnosi na licenciranje nastavno-odgojnog kadra u predškolskim ustanovama, osnovnim i srednjim školama, nije u nadležnosti ovog ministarstva, već je nadležnost Ministarstva za odgoj i obrazovanje Kantona Sarajevo.

Tačka 7. Zaključka, kojom je predviđeno stvaranje uvjeta za potpuno poštivanje akademske autonomije, je realizirana usvajanjem Zakona o visokom obrazovanju („Službene novine Kantona Sarajevo“, broj: 36/22).

Tačka 8. Zaključka, kojom je predviđeno uspostavljanje Instituta za razvoj preduniverzitetskog obrazovanja, je realizirana.

Tačka 9. Zaključka, kojom je predviđeno uspostavljanje Fondacije za razvoj naučnoistraživačke djelatnosti u Kantonu Sarajevo, nije realizirana.

Tačka 10. Zaključka, kojom je predviđeno održavanje tematske sjednice Skupštine Kantona Sarajevo o procesu inkluzivnog obrazovanja, je realizirana shodno Informaciji Ministarstva za odgoj i obrazovanje Kantona Sarajevo upućenoj Skupštini Kantona Sarajevo.

Tačka 11. – kojom se predlaže Vladi Kantona Sarajevo da u Budžetu Kantona Sarajevo otvori novu stavku „Reforma obrazovnog sistema“, nije realizirana.

Status: Zaključak djelimično realiziran.

4. Zaključak Skupštine Kantona Sarajevo, broj: **01-05-36793-4/19** od 22.10.2019. godine, koji se odnosi na pokretanje procedure usvajanja seta zakona iz oblasti obrazovanja, okončanja procesa integracije Univerziteta u Sarajevu i razmatranje uspostavljanja dva ministarstva obrazovanja sa podijeljenim nadležnostima (shodno nivoima obrazovanja), je realiziran na sljedeći način:

Tačka 1. Zaključka, koja se odnosi na pokretanje procedure usvajanja seta zakona iz oblasti obrazovanja, je realizirana (u pogledu visokog obrazovanja) donošenjem Zakona o visokom obrazovanju („Službene novine Kantona Sarajevo“, broj: 36/22).

Tačka 2. Zaključka, koja se odnosi na okončanje procesa integracije Univerziteta u Sarajevu, je realizirana okončanjem postupka pravne integracije Univerziteta u Sarajevu 01.07.2021. godine, pred nadležnim sudom u Sarajevu.

Tačka 3. Zaključka, koja se odnosi na uspostavljanje dva ministarstva obrazovanja sa podijeljenim nadležnostima (shodno nivoima obrazovanja), je realizirana uspostavljanjem Ministarstva za nauku, visoko obrazovanje i mlade Kantona Sarajevo i Ministarstva za odgoj i obrazovanje Kantona Sarajevo.

Status: Zaključak realiziran.

Dostaviti:

- Naslovu,
- Stručna služba Vlade Kantona Sarajevo,
- a/a.

